



UPA 2014/175

Inatsisartut suleriaasianni § 36 naapertorlugu apeqquteqaat aallaavigalugu oqallissiaq imaattoq matumuuna saqqummiuppara:

**Apeqquteqaat aallaavigalugu teknologimut nutaamut misileraavimmik assersuutigalugu qillerinernut, avatangiisinik eqqarsaatiginninnermut uuliakoortoqarsimattillugulu saliinernut atatillugu ilinniarfinnut, aatsitassarsiornermi ingerlatseqati-giiffinnut kattuffinnullu allanut ilisimatusarnermi, misileraanermi takussutissior-nermilu neqeroorfiusartussamik pilersitsinissaq pillugu oqallissiatut siunnersuut.** (Inatsisartunut ilaasortaq Naaja H. Nathanielsen, Inuit Ataqatigiit)

### Tunngavilersuut

Kalaallit Nunaat peqqarniitsumik klimaqarpoq pingartumik sinerissap avataani ingerlatanut tunngatillugu nungusaataanngitsumik aatsitassarsiornermik piorsaanissamut akorngutaa-suunerarlugu aatsitassarsiornerup iluani ingerlatseqatigiiffinnit avatangiisinillu illersuiniaqati-giinnit oqaatiginiarneqartatumik. Aamma qajannartorujussuarmik avatangiiseqarpugut ajutoornerit kingorna arriinnerusumik iluarsiartortartumik.

Kalaallit Nunaat nunaavoq ilisimatuut tikillutillu aallaqqittartut soqutigisarujussuat, tamatigulli imaattangilaq ilisimatusarnerat nunatsinni sorlanittartoq.

Tamanna pillugu misileraavimmik pilersitsinissaq soqutiginaateqarsinnaavoq teknologi piusoq sapinngisamik atorluarlugu teknologimik nutaamik, assersuutigalugu uuliamik maqisoornernut akiuiniarnerup imaluunniit ajutoornaveersaartsinerup tungaasigut, ineriantortsinsermut aatsitassarsiornerup iluani ingerlatseqatigiiffiit, ilisimatuutut misissueqatigiit ajornanngippallu naalakkersuisutigoortuunngitsumik suliniaqatigiiffiit ataatsimut tuniseqataaffigisinnaasaannik.

Misileraavik taama ittoq taamaasilluni inuiaqatigiinnut, avatangiisnit aatsitassarsiornerullu iluani ingerlatseqatigiiffinnut ilapittuutaasinnaavoq, kiisalu paassisutissanik nunami maani katersuiffittut atuussinnaassalluni. Ilisimatusaatissatut suliniutit ataasiakkaat ingerlatsine-rillu ilaatigut aatsitassarsiornerup iluani ingerlatseqatigiiffiit, aningaasaateqarfiiit kattuffiillu soqutiginnittut aningaasalersorsinnaavaat. Kisianni tassa misileraaviup pilersinneqarnisaanut aallartisarneqarnissaanullu Nunatta Karsia tapiissuteqanngitsoortussaassanngilaq.

Taamaammat tusarusuppara isuma Inatsisartuni suleqatima Naalakkersuisullu soqutigianartutut piviusorsiorpalaartutullu isigineraat. Takorluugaq unaavoq Kalaallit Nunaat tassaa-ginnassanngitsoq nuna aalisarnermik ingerlataqarfiiullunilu aatsitassarsiornermik ingerlataqarfusoq, aammattaarli tassaassasoq nuna nunarsuup sinneranut teknologimik nutaamik ilisimasanillu nutaanik avammut tunisassiorfusoq.

Australiami tamatumunnga assingusunik suliffeqarfearpoq Corporate Responsibility Research Centre-nik taagorneqartunik 40 sinnerlugit misileraaveqarfiusunik ilisimatusarnerup suliffissuaqarnikkullu pisariaqartitat katigunnerisigut nunalerinerup, aalisarnerup, aatsitassarsiornerup suliassaqarfiiillu allat assigiinngitsorpassuit tungaasigut teknologimik nutaamik inerisaaviusartunik.

Oqallilluarnissassinnik kissaappassi. Issittumi kikkut tamarmik soqutigisaqtut iluaqtisaannik ilisimasat nutaat pinngorartarfiattut Kalaallit Nunaata periarfissiuunneqarnissaq qanoq isumaqarfiginerissi qanorlu takorluugaqarfigerissi neriuppunga tusassallugu.